

## 2.1 Prosjekt Fagleg plattform, profil og strategi

### Mandat:

Målet for prosjektet er å føreslå fagleg plattform, profil og prioriteringar for den nye høgskulen. Prosjektet skal vidare greie ut moglegheitene for strategisk fagleg utvikling og utarbeide prinsipp og retningslinjer for slik utvikling av den faglege verksemda ved høgskulen og samkøyring av utdanning. Leveransane i prosjektet vil mellom anna danne grunnlag for vidare arbeid med strategisk plan for Høgskulen på Vestlandet for perioden 2018-2023.

Fusjonsavtalen og ambisjonsmåla for fusjonen dannar grunnlag for prosjektarbeidet. Fusjonsavtalen fastslår følgjande prinsipp for fagleg utvikling, som skal liggje til grunn for arbeidet i prosjektet:

- Høgskulen på Vestlandet skal ha felles utdanningsløp med rom for å utvikle faglege profilar etter eigenart og lokale behov.
- Master- og doktorgradsutdanningane skal gje meirverdi for nærregionane.
- Ph.d.-programma skal støtte og byggje på profilen og satsingsområda til Høgskulen på Vestlandet.

Arbeidet skal vidare byggje på resultatata frå forprosjektet *Overordna fagleg profil og visjon* som dekanane ved dei tre høgskulane gjennomførte våren 2016. Profilen for den nye høgskulen skal setje rammer for og skildre kjerneverksemda ved den nye høgskulen: utdanning, forskning og formidling. Profilen skal, saman med visjonen, uttrykkje den nye høgskulens identitet og viktigaste kjenneteikn.

Høgskulens visjon, universitetsambisjon og profesjonsretta hovudprofil stiller krav til stor grad av samarbeid på tvers av faggrensar, og dette må kome til uttrykk i forslaget frå prosjektgruppa.

Prosjektet skal:

1. Skildre grunnleggjande utdannings- og forskingsområde i den nye høgskulen.
2. Skildre framståande trekk ved utdanningsprogramma og forskingsverksemda.
3. Skildre den nye høgskulen sin eigenart og kjerneverdier.
4. Drøfte prinsipp som skal liggje til grunn for strategisk fagleg utvikling og samkøyring av utdanning.
5. Føreslå faglege visjonar, mål og prioriteringar for den nye høgskulen i perioden fram til 2023.
6. Kome med forslag til område kor den nye høgskulen kan vere nasjonalt leiande.
7. Identifisere område kor den nye høgskulen har særleg moglegheit for å lukkast internasjonalt.
8. Føreslå moglege tverrfaglege satsingsområde for den nye institusjonen.
9. Utarbeide ein plan for realisering av universitetsambisjonen i den nye høgskulen, der eksisterande og planlagde doktorgradsprogram inngår. Rolle og status til dei eksisterande forskingssentra skal vurderast og inkluderast i arbeidet. Målet er å søkje om universitetsstatus innan 2023.

Det bør etablerast eit eller fleire delprosjekt under hovudprosjektet. Eit av delprosjekta bør omhandle universitetsambisjonen, og truleg eit om utvikling av felles utdanningsløp. Korleis arbeidet skal gjennomførast og korleis prosjektet skal organiserast skal gå fram av prosjektplanen som prosjektleiinga utarbeider.

**Leveranse 1:** Forslag til kjerneverdier, faglege visjonar, mål og prioriteringar for den nye høgskulen, samt forslag til prinsipp for strategisk utvikling og samkøyring av utdanningsløp.

**Leveranse 2:** Forslag til plan for gjennomføring av universitetsambisjonen innan 2023, samt vurdering av forskningssentra si rolle og status i den nye høgskulen.

Det bør og leggst opp til brei medverknad og mogelegheiter for innspel frå tilsette gjennom høyringsmøte. Forslaget går som drøftingssak til interimsstyret, som kan foreta vegval for det vidare arbeidet med utvikling av strategi.

#### *Styringsgruppe*

Prosjektet skal ha styringsgruppe som ser til at prosjektet vert styrt innanfor mandatet og målsettingane med fusjonen og held framdrifta. Styringsgruppa drøfter prosjektplan, resultatata i prosjektet ved kvar hovudmilepåle, samt prosjektrapportar før dei går til handsaming i interimsstyret. Styringsgruppa er ansvarleg for at dei tilrådingane dei gir er i tråd med mandat for prosjektet og målsettingar for fusjonen.

Samansetting av styringsgruppe:

- Knut Steinar Engelsen, HSH (Prosjektleiari, Prosjekt fagleg plattform, profil og strategi)
- Eva Haukeland Fredriksen, HiB
- Geir Anton Johansen, HiB
- Randi Skår, HiSF
- Stein Joar Hegland, HiSF
- Anne Robbestad, HSH
- 3 tillitsvalde
  - Tina Åsgård, HiB
  - Marit Breivik, HiB
  - Joar Sande, HiSF
- 3 studentrepresentantar, utpeika av studentparlamentata
  - Cecilie Fredheim, HSH
  - Per Walther Lassen, HiSF
  - Eigil Hole Lønning, HiB
- 2 eksterne representantar, utpeika av HiB (kommer)

Prosjektstøtte frå programsekretariatet.

#### *Prosjektgruppe*

Det vert etablert ei prosjektgruppe, som skal utarbeide forslag til organisering av prosjektet saman med prosjektleiari. Gruppa skal vurdere behov for å etablere delprosjekt og/eller arbeidsgrupper i tilknytning til leveransane i prosjektet i etterkant av møte i styringsgruppa. Gruppa skal i det vidare samarbeide med prosjektleiari. Dersom det vert etablert delprosjekt går medlemmane i den koordinerande prosjektgruppa inn som delprosjektleiarar.

Samansetting av koordinerande prosjektgruppe:

- Knut Steinar Engelsen, HSH
- Gro Anita Fønnes Flaten, HiB
- Bjørg Hafslund, HiB
- Randi Skår, HiSF

Prosjektstøtte frå programsekretariatet.